



Broj:01-05-3224-1/14  
Sarajevo, 21.02.2014 godine

Kolegij Skupštine Kantona Sarajevo na sjednici održanoj 21.02.2014. godine, razmatrajući zahtjeve Plenuma građana i građanki Kantona Sarajevo donio je

## ZAKLJUČKE

1. Skupština Kantona Sarajevo prihvata zahtjev za formiranje ekspertske Vlade u skladu sa Ustavom, zakonom, pozitivnim zakonskim propisima i podzakonskim aktima.

S tim u vezi Skupština poziva Klubove zastupnika u SKS da predsjedavajućoj Skupštine u roku od 7 (sedam) dana dostave svoje prijedloge kandidata za premijera.

2.- Konstatujemo da u Kantonu Sarajevo trenutno jedan izabrani zvaničnik koristi pravo na naknadu plaće nakon prestanka javne funkcije tzv. „bijeli hljeb“.

Pozivamo sve ministre i zastupnike u Kantonu Sarajevo da se odreknu korištenja ove beneficije.

Nalaže se Komisiji za izbor i imenovanja i administrativna pitanja da obustavi donošenje Rješenja o naknadi plaće nakon prestanka javne funkcije.

- Konstatujemo da zastupnici u SKS po osnovu učešća u komisijama, odborima i drugim tijelima, koja su sastavni dio Skupštine Kantona Sarajevo ne primaju nikakvu naknadu, niti imaju dodatne beneficije.

- U skladu sa Zakonom o sukobu interesa u upravljačkim strukturama JKP nema izabranih zvaničnika. Po navedenom zakonu moguće je imenovanje izabranih zvaničnika u upravljačke strukture Javnih ustanova.

Skupština Kantona Sarajevo poziva sve zastupnike i izabrane zvaničnike koji se nalaze u upravljačkim strukturama JU, da odmah podnesu ostavke.

Obavezuje se Vlada Kantona Sarajevo da na prvoj narednoj sjednici razrješi sve izabrane zvaničnike imenovane u upravljačkim strukturama JU, te ne vrši dalja imenovanja po ovom zakonu.

- Nalaže se Vladi KS odnosno Ministarstvu finansija KS da u roku 10 dana izvrši analizu primjene ovog zaključka u smislu da plaće vršioca javnih



web: <http://skupstina.ks.gov.ba>

e-mail: [sks@ks.gov.ba](mailto:sks@ks.gov.ba)

Tel: + 387 (0) 33 562-055, Fax: + 387 (0) 33 562-210

Sarajevo, Reisa Džemaludina Čauševića 1





funkcija svedu na nivo dvije prosječne plate u KS. Nakon toga će se SKS na prvoj narednoj sjednici izjasniti o modalitetu primjene ovog zaključka.

- Nalaže se Vladi KS i upravljačkim strukturama svih javnih institucija da u roku od 10 dana dostave prijedlog racionalizacije korištenja motornih vozila i službenih putovanja za 2014. godinu.

3. Skupština Kantona Sarajevo na Hitnoj sjednici održanoj dana 12.02.2014. godine, donijela je zaključak kojim se nalaže Agenciji za privatizaciju Kantona Sarajevo da u roku od 7 (sedam) dana dostavi Skupštini sve ugovore o privatizaciji.

Agencija za privatizaciju je dana 18.02.2014. godine dostavila ugovore po zaključku Skupštine i Skupština će ih proslijediti na dalje postupanje.

Dostavljeni spisak će se proslijediti Kantonalnom tužilaštvu i MUP-u KS od kojih će se tražiti da nam dostave spisak firmi protiv kojih se vodi postupak.

Javno pozivamo sve građane da MUP-u, Kantonalnom tužilaštvu ili Kolegiju dostave sve informacije ili dokumentaciju koja ukazuje na inkriminaciju u procesu privatizacije u preduzećima sa liste.

4. S obzirom da već postoje nadležne institucije kao što je Ured za pritužbe građana, čije članove je izabrala Komisija za izbor i imenovanja i administrativna pitanja Skupštine KS iz reda građana i policije, pozivamo predstavnike Plenuma i druge građane koji se smatraju oštećenim da se obrate ovom Uredu.

Skupština KS će po dobijanju analize o dešavanjima od 07.02.2014. godine istu razmatrati na prvoj narednoj sjednici, kao i informaciju Nezavisnog odbora za izbor i reviziju policijskog komesara i stim u vezi donijeti određene zaključke, preporuke i mjere ukoliko budu utvrđena kršenja ljudskih prava itd.

Kolegij izražava spremnost da sve informacije koje ima na raspolaganju kroz institucije za koje su nadležni, stavi na uvid predstavnicima Plenuma.

**PREDSJEDAVAJUĆA SKUPŠTINE  
KANTONA SARAJEVO**

**Prof. dr Mirjana Malić**



web: <http://skupstina.ks.gov.ba>

e-mail: [sks@ks.gov.ba](mailto:sks@ks.gov.ba)

Tel: + 387 (0) 33 562-055, Fax: + 387 (0) 33 562-210

Sarajevo, Reisa Džemaludina Čauševića 1

